

錢竹汀日記鈔

黃堯圃來以唐祕書省正字徐寅釣磯文集見借寅
字昭夢莆田人乾寧初進士釋褐祕書省正字據
其族孫師仁序云家故有賦五卷探龍集五卷
又於蔡君謨得雅道機要又訪得詩二百五十餘
首以類相逆為八卷并藏焉今本僅十卷則裔孫
玩所編次賦詩各五卷而賦又闕其一云是錢氏也
是園鈔本

徐正字集目錄

唐 莆田徐 寅昭夢撰

賦

五王宅賦

豐年為上瑞賦

垂衣裳而天下治賦

首陽山懷古賦

均田賦

朱虛侯唱田歌賦

口不言錢賦

寒賦

樊噲入鴻門賦

雷發聲賦

人生幾何賦

鮫人室賦

澗底松賦

止戈為武賦

御溝水賦

白衣入翰林賦

山暝孤猿吟賦

歌賦

毛遂請備行賦

江令歸金陵賦

隱居以求其志賦

朱雲請斬馬劍賦

義漿得玉賦

斬蛇劍賦

京兆府試入國知教賦

勾踐進西施賦

過驪山賦

衡賦

以上二十八賦
均抄本全唐文

第二賦

籍田賦

以上二賦均抄
本麟後山房

薦蘭相如使秦賦

元年御製盧徵君草堂銘賦

陳後主獻詩賦

外舉不避讐賦

避世金馬門賦

東陵侯弔蕭何賦

貴以賤為本賦

管仲棄酒賦

扣寂寞以求其音賦

知自守黑為天下式賦

太極生二儀賦

員半千說三陣賦

文王葬枯骨賦

駕幸華清宮賦

再幸華清宮賦

卞莊子刺虎賦

鑄百鍊鏡賦

元宗御註孝經賦

割字刀子賦

福善則虛賦

竹篋子賦

以上二十一賦均
抄本唐文拾遺

徐正字集

唐 莆田徐 寅昭夢撰

賦

五王宅賦

明皇帝以孝悌為家此地宅而宸遊未賒淒涼而一
空景鏘悵望而諸王已遐鳳去鸞歸秋葉落梧桐之
樹年來歲改春風遺棠棣之華當其龍虎俱來虯螭
並轡觀風而玉輦停駕選勝而金黿負地天師魯匠
新土木以宏規月殿雲樓破荆榛之積翠既而甲第

煌煌維城道旁雍然而帝子天光肅睦而寧王辭王
綵霧彤霞從仙都於八面風臺水榭引蓬島於中央
不遷都平分于宅為星之渚同數疑比奕之龍並
跡聖主之千聲羯鼓洛水風清岐山之數調胡琴嵩
山月白瑞氣飄空蘭深麝濃連雲之飛閣鏤鳳象海
之清池蟄龍解慍當風帝舜之琴雅奏興歌立德太
康之弟相從莫不以嘉樹濛煙崇墉硤日金聲玉韻
以總綺夏萼春藂而翦出紅梁綺棟眩天地以量功
舞態歌容掌神仙而比質一旦袞冕參差外遐內微

華堂之帳幄蟲蠹深院之藥櫨燕飛時移而玉笛誰
吹清商泯滅事往而金牌尚在御墨依稀徒令攀詠
皇恩追思聖德傷晏御以綿延繞周垣而嘆息王侯
之地宅雖存未若開元之有

豐年為上瑞賦

此以年穀豐盈用
為瑞為韻

聖祚開國文王應天以豐穰之有歲作祥瑞於當年
重彼粢盛五稼而誠宜在上方諸圖牒四靈而莫得
居先當其衆類呈祥明君建議將垂萬世之範廻出
百三之智為其三農百穀普為四海之資驚驚駟虞

空表一人之瑞於是別示休禎義農教行調風雨則
桑田自稔重龜鶴則倉廩寧盈我貴嘉禾朱草之庭
前謾吐我資甘澤慶雲之天際休呈四序和平三時
播種蓋將何寶而為寶不以無用而為用且夫寒暑
相從成霖順風如雲之稼穡千畝擊壤之歌聞四聰
斯則家給人足時和歲豐縱鳳不止于高梧之際麟
不遊于靈囿之中又豈能損民力虧朕躬至如厯侯
不常陰常反是甫田屢失於刈穫庶物不勝其殘毀
菜色咸若豆分於此縱然出醴泉而浪湧波翻降甘

露而朱英玉蘂然而不濟饑饉何足倚依豈若敬奉
天時從其所宜升合穎秀岐之事冠素雀神鳥之為
羅畢沾濡麗日之重輪在下如茨委積華芝與玉秀
俱卑偉哉以年為瑞者富於生靈以物為瑞者詭於
耳目欽哉以我后之元德承太宗之景福士有觀大
國之光輝敢謳謠於邦國

垂衣裳而天下治賦

大道純素明君御乾垂衣裳而教被率土泯智慮而
思覃普天端袞冕於九重威儀備矣走車書於萬國

文軌同焉聖人以象體乾坤育涵臣子握金鏡而破
昏黑啟瑤圖而昭福祉溫恭允塞損耳目以無營拖
黼垂旒致邦家而自理不出宸居潛飛聖謨虛已而
應乎萬有滅私而契彼三無引日月之長裾遐蘇品
彙雍星辰之法服自化寰區於是宸座彤闡凝情恭
已播亭毒以無黨表雍熙而有自山龍煥爛映黃屋
於是闕風雨迴旋仰洪猷而克遂豈不以義頊齊教
皋夔在官德所至今天高地厚信不愆兮春煦冬寒
佩華藻以常閑九章惟麗傾空旻之所覆萬姓皆懽

允紹二皇式孚九野尊揚襲以居工敦協和而在下
飄紫宸而楚楚道泰生靈臨丹陛以檐檐塵清華夏
赫赫巍巍功高二儀法希微於視聽守元默於箴規
自然溥樸將至生成罔虧苟人文之未化勞輟迹以
何為豈若黼黻光中德及於昆蟲草木彩章影裏澤
流於地角天涯士有珪璧常輕光陰是重趨明代以
求試望丹霄而翹踵君同軒后為臣願讚於衮衣才
匪相如獻武載歌於垂拱

首陽山懷古賦

首陽山兮非秀非隆曰其賢而名高碧空偶巖谷之
逋客問夷齊之古風厚殷紂而薄宗周易稱仁智棄
三隅而執一向可謂昏蒙且紂以斲脛求歡剖心取
樂空橐瀛不足以充其欲罄竹帛不足以編其惡民
驚而萬國崩離天怒而三光舛錯肉為林也怪山岳
之非高酒為池也笑江湖之易涸姬乃畋於渭濱會
於盟津右白旄而左黃鉞應乎天而順其人莫不洗
塗炭於四海解仇讐於萬民著金縢者乃昆乃仲鈞
玉璜者持衡秉鈞何不弔紂之不德慶周之有國而

乃助於紂以申謙怨於周而不食鴈飛豹隱亡情於
濁浪之湄蟬腹龜腸化骨於孤峯之側逋客曰夷齊
以讓國無為求仁立規何厯數之不完曷興亡而不
知非不知周之可輔紂之可隳所憂者萬絕千齡所
救者非一朝一夕恐後代謂國之可犯謂君之可迫
强者以之而起亂勇者以之而思逆所以激其時抗
其迹往者勗而來可懲義要行而身不惜余乃陟彼
高岡遐思耿光嶺上之松筠抱直邱中之黍稷非香
未知靈氣何化身魂曷彰為聖賢則孔子顏子作嘉